



Trotzchöpf 1983

CLIQUE LIESCHTEL

Sujet 2000: Vom Schwyzerhüsli zum Chinatämpel GUANG DONG, long, long, long.....!

Villi Johr het im Schwyzerhüsli dr Hubi mit synere Frau regiert.
 Si hei zämme mängs Bier und etliche Pizzas serviert.
 Au by der Fүүrwehr isch er bekannt gsi dr Hubi, das isch woher.
 Er het nämli mit sym Fүүrzүүg emol e Gasleitigsleck gsuecht, vor
 etliche Johr.
 Plötzlich e Knall und e Dätsch, mit Gas isch halt nit z gschpasse,
 d Fүүrwehr het im Hubi e Lekzion müesse verpasse!
 Vo denna het me ihm gsait „dr Sprängmeischer vom Schwyzerhüsli“.
 So hei ihn alli gchennt bis zum letschte Müsli.
 Jetz het er der Dienscht quitiert und isch in Ruhestand träte,
 Mir wünsche ihm alles Gueti bym Garte jätte.
HUBI GOOD LUCK, long, long, long.....!

Chinesisch gohts jetz zue in dere Beiz und das het au sy bsundere
 Reiz.
 E chinesischs Dächli und asiatische Lämpeli begrüesse di bym Ygang,
 das si optische Signal für e Chundefang.
 Bisch denn dinne, chasch di richtig lo verwöhne, muesch di allerdings
 zerscht an d Spyscharte gewöhne.
 Guet gewürzt und bachenit Bruschtspitzli oder Fleisch süss-sauer, mit
 Glasnüdli oder Rys in allne Wariatione.
 E flyssige Källner stoht zur Syte mit Rat und Tat, und bringt dir zerscht
 emol e Salat.
 Hesch der Hauptgang denn usgiebig gnosse, muesch jetz d Schärft
 ewenig drossle, mit emene guete Tropfe oder emene Hopfe.
 Scho isch der flyssig Källner wieder zur Stell und frogt nachem Wunsch
 für es Dessert, dä Gsell.
 Chasch dir geheimnissvoll Frucht oder au numme e Kaffi lo serviere und
 zletscht derno diskret dyni Rächtnig lo präsentiere.
 Mir findes würklich e Hit, asses jetz au z Lieschtel chinesischs git!
 Mer chönnes Euch numme empfähle und findes toll.
GUANG DONG, long, long, long.....!

Euse Stadtobersäckelmeischer bruucht jetz au asiatische Humor.
 Eine vo syne überyfrige Mitarbeiter het nämli bynere elektronische
 Ghalts- und Soldüberwysig an d Bank e närvöse Finger gha und het
 tippt und tippt und tippt, fünf mol isch das gange, derno isch er cho, der
 Dank vo der Bank.
 Erscht spöter hei si gmerkt, wo sich die Erschte hei afo bedanke für die
 ville Franke, s het nämli s erscht Mol scho gchlappt bym tippe.
 Jetzt müesse alli Beglückte die ville Batze wieder zrug zahle mit der
 Ufforderig: UMGEHEND!
CHASCH DÄNKE, mir leueneus Zyt, long, long, long.....!

Chinesisch isch mängisch fremd und kompliziert, aber asiatische
 Gründlichkeit wird zelebriert. Do chönnt by eus none Mänge öppis lehre,
 über e paar Sache wei mir do der Chropf usleere:
 Mir hei e Stadttrot und e grosses Ywohnerrotsparlament, die ligge sich in
 de Hoor, fascht permanent.
 Lieschtel duet plane, plane und plane, so chömme mer würklich niene
 ane, nundefane.
 D Rothuusstrooss wird grossartig projektiert, aber scho nach kurzer
 Diskussion wieder schubladisiert.
 D Mehrwäckhalle isch fertig zeichnet und bereit zum boue, aber au do
 het de Lieschtler s Gäld wieder groue.
 Über e Wasserturm dä truurig Platz, chönnte mir schriebe e Buech, nit
 nummene Satz. Dört weisch nämli bald nümme wo de muesch ane
 stoh, um au ganz sicher heime z cho.
 D Mehrwäckhalle wird zwor jetze doch no bout, aber vo anderne. Die
 hei sich gsait, d Lieschtler selle doch go wandere!
 Au der neu Angel wachst jetz rasch usem Bode, s git e Hotel, e Migros
 und e Saal mit Garderobe. Wenn alles fertig isch und dobe, mache mir
 mit de Fүүrwäge nümme sone Boge.
 Au s Halläbad isch sones Thema, das sell saniert wärde nach emene
 beschimmte Schema. Mir meine, do chönnt me jetz emol chinesischs
 danke, vellicht öppis derzue due wo me sich cha verränke, oder au im
 Körper Erholig schänke. Ideeä wäre gnueg vorhande by villne Lüt, jetz
 mues me se numme verwürklige, suscht nützt alles nüt!
 Und do no öppis, mir chönnes fascht nit glaube, jetz hebt sogar der
 Kanton uf Lieschtel syni Auge.
 Wyll by eus d Finanze scho syt Johre si ufem Ranze, selle mer jetz
 derno nach dene ihrer Pfyffe danze.
 Mir wei numme hoffe, äs chunnt nit so wyt und säge
LIESCHTEL BLYB FIT, long, long, long.....!

Wie allewyl isch am Fasnechtszischig d Latärne-Usstellig im Alte
 Zүүghuus vom zwöi zmidag bis am nüni zobe!